

Årsmelding for HIFO Nordvestlandet 2014

HIFO Nordvestlandet har vore arrangør av to seminar i 2014. Begge seminara var i samarbeid med Historisk institutt ved Høgskulen i Volda.

Boklansering – «*Med påhalden penn? 1814 sett frå Nordvestlandet og Telemark*»

Som ei markering av grunnlovsjubileet skipa HIFO Nordvestlandet til lanseringsmøte for ei bok som kastar lys over hendingane i 1814 innanfor nedslagsområdet til lokallaget. Boka *Med påhalden penn? 1814 sett frå Nordvestlandet og Telemark* inneheld artiklar av til saman tolv forfattarar, og tre av forfattarane var inviterte til å halde føredrag på seminaret mandag 16. juni. Harald Krøvel, forfattar og ein av redaktørane, la først fram nokre hovudfunn frå arbeidet med boka. Deretter tok Oddbjørn Melle føre seg føresetnadene for møtet mellom folkesuverenitetsprinsippet og samfunnet på Sunnmøre, med særleg vekt på Volda. Til sist presenterte Jon Tvinnereim resultata frå analysen sin av tre lokale kjelder som fortel om røynslene til nordfjordingar og sunnmøringer frå det militære oppgjeret med med Sverige under napoleonskrigane.

Seminaret samla kring 30 tilhøyrarar. Arrangementet vart avslutta med middag for føredragshaldarar, HIFO-medlemmer og tilsette ved Historisk institutt, Høgskulen i Volda.

Seminaret «*Norsk kristendom i møte med verden 1870–1940*»

Måndag 8. desember 2014 arrangerte HIFO Nordvestlandet seminaret «Norsk kristendom i møte med verden 1870–1940» i samarbeid med Historisk institutt ved Høgskulen i Volda. Seminaret i Volda samla om lag 25 deltararar, mellom dei både religionsforskarar, statskyrkje- og frikyrkjeprestar, i tillegg til historikarane. Karina Hestad Skeie, NLA Høgskolen (Bergen), presenterte «Nye perspektiv på Marie Monsen – Norges mest berømte Kinamisjonær». Inger Marie Okkenhaug (HVO) tala om Bodil Biørn, som i ein menneskealder arbeidde mellom den armenske folkegruppa. Temaet var «Misjon som velferd. Norsk jordmor og sykepleier i Anatolia, 1905–1915». Birger Løvlie (HVO) hadde det tredje føredraget, om «Presbyterianiske innslag i norsk kyrkjehistorie». Ein fellesnemnar for dei tre presentasjonane var vekta på det transnasjonale. Ei interessert forsamlingsdeltakar aktivt med spørsmål og samtale.

Norske historiedagar 2016

I august 2014 fekk HIFO Nordvestlandet førespurnad frå HIFO sentralt om å arrangere Norske historiedagar 2016. HIFO Nordvestlandet var sist gong ansvarleg for dette arrangementet i 2004, og no er det vår tur att. På styremøtet 9. oktober vedtok HIFO Nordvestlandet å ta på seg ansvaret for dette arrangementet, under føresetnad av at Høgskulen i Volda og historisk institutt ved høgskulen kom med på arrangørsida. Historisk institutt vedtok på instituttmøte 15. oktober å gå saman med HIFO Nordvestlandet om Norske historiedagar 2016, under føresetnad av at Høgskulen støtta arrangementet økonomisk og med infrastruktur. Styret i HIFO Nordvestlandet sende tidleg i desember førespurnad om arrangementet til høgskulen ved rektor Per Halse og høgskuledirektør Jacob Kjøde, noko som resulterte i ei løyving på 70 000 kr. 15. januar 2015 vart det sendt melding til HIFO sentralt om at HIFO Nordvestlandet tok på seg arrangementet av Norske historiedagar 2016, i samarbeid med Høgskulen i Volda. Det vart no sett ned ein

eigen arrangementskomité med medlemmer frå styret i HIFO Nordvestlandet og historisk institutt. Frå HIFO Nordvestlandet vart følgjande valde som medlemmer i komitéen: Anders Aschim, Eirik Holmen, Torgeir Melsæter og Inger Marie Okkenhaug. Historisk institutt er representert i komitéen med Arnfinn Kjelland og Atle Døssland. Det vidare ansvaret for planlegginga av Norske historiedagar 2016 vart overlate til komitéen.

Arbeid i styret

HIFO Nordvestlandet har sidan sist årsmøte, 16. juni 2014, hatt to styremøte, 9. oktober og 8. desember 2014. Harald Krøvel og Inger Marie Okkenhaug, begge tilknytt Høgskulen i Volda, har hatt eit delt leiaransvar. Aktiviteten har i stor grad vore koordinert frå Volda, samstundes som kommunikasjonen med dei andre styremedlemmene har føregått via e-post. Samarbeidet med historisk institutt, HVO, i samband med dei to tilstellingane, har gjort behovet for regulære styremøte mindre i året som har gått samanlikna med tidlegare.

HIFO Nordvestlandet er no registrert i frivilligheits- og einingsregisteret i Brønnøysund med organisasjonsnummeret 915 102 557.

HIFO Nordvestlandet har pr. dags dato 36 medlemmer.

Desse har sete i styret:

Harald Krøvel (leiar)

Inger Marie Okkenhaug (leiar)

Anders Aschim (sekretær)

Eirik Holmen (styremedlem)

Torgeir Melsæter (styremedlem)

Kari Hasle (vara)

Vibeke Lunheim (vara)

Volda, 4. mai 2015



Harald Krøvel

HIFO Nordvestlandet